



116. ԹԱԳԱՎԵՐԻ ԻՐԵՔ ՏՂԵՔԸ

Սի թաղավեր իրեք տղա ա ունենում:

Օրերի մի օր դրա վենձ տղեն ասում ա.— Հայրի՛կ, ուղում եմ ամուսնանամ:

Հերր ասում ա.— Ա՛ր բալա, դե դնա աշխարը ման արի, վեր թաղավերի աղջկանը կտեսնես կհավանես, կգաս կասես՝ գնանք բերենք:

Էս թաղավերի վենձ տղեն գնում ա աշխարը ման գալի, մի ուրիշ թաղավերի աղջկա հավանում ա, գալի ու մեկի էլ ա բան չի ասում:

Մեկ էլ միջնակ աղեն ա դնում ման գալու, սա էլ ա գալի էգ աղջկանը հավանում, ու իրեքն էլ էդ աղջկանը հավան են կեցել:

Մի օր էլ հերը ասում ա.— Գնանք ձեր կնանիքը բերենք:

Գալիս են ճամբի կեսը, ասում ա.— Գնանք առաջ ձեր վենձ ախպոր կնիկը բերենք, նոր ձերը:

Գալիս են ըտեղ, իրեքն էլ տեսնում են, որ էդ մի աղջկանն են հավանել:

Սհանք սկսում են իրար հետ վիճել:

Նա ասում ա.— Իմն ա:

Նա էլ ասում ա.— Իմն ա:

Աղջիկը ասում ա.— Երբ էդպես ա, ով ինձ համար ամենալավ բանը կբերի, նրան էլ կառնեմ:

Սրանք ամեն մեկը մի կողմով գնում են:
Վենձ ախպերը մի լավ խալի ա տեսնում, ասում ա.— լավ
բան ա՛, առնեմ, տանեմ:

Մոտանում ա հարցնում ա, ասում ա.— Ի՞նչ արժի:

Ասում ա.— Հարուր հագար:

Ասում ա.— Շատ թանգ ա:

Ասում ա.— Բա գիտե՞ս՝ դա ինչ հունար ունի:

Ասում ա.— Ի՞նչ հունար ունի:

Ասում ա.— Քսան օրվա ճամբեն մի սհաթումը կհսցնի:

Սա էս խալին առնում ա ու ետ գալի:

Միջնակն էլ գնում ա ըլետ մի լավ հունարով գլխի շիքիլա ա
առնում, ով գլխին քցում ա՝ դառնում ա աշխարհի հուրի-փարին:
Պուճուր ախպերն էլ մի հայլի ա առնում, ում վեր սիրտդ ուզի,
եթե էդ հայլուն մտիկ անես, միջին կտենաս, թե դա էդ հադաղին
ինչ ա անում:

Սրանք իրեքն էլ էդ բաները բերում են աղջկա մոտ:

Աղջիկը ասում ա.— Դե որ իրեքիդ բերածն էլ տհենց լավ
թանկարժեք բաներ են, մընիդ խաթրն էլ ա կոտրիլ չեմ, ես կլեմ
ձեր քիրը, դուք էլ իմ ախպերտիներ:

